


FRAKTION



**ZÄIT FIR E WIESSEL.**  
**ZÄIT FIR ENG**  
**ANER POLITIK.**

Zentrum



# DIR HUTT ET AN DER HAND!



## LÉIF MATBIERGERINNEN A MATBIERGER!

„Mir wëlle jo am Prinzip weiderfueren...“ – Dat soe Vertrieder vu Blo-Rout-Gréng haut schonn. Déi nächste Regierungskoalitioun schéngt 5 Méint virun de Wale schonns gemaach. Ee komescht Demokratieverständnis.

All deenen, déi sech och dorunner stéieren, soe mir: Dir hutt et an der Hand!

All deenen, déi et net gerecht fannen, datt d'Mëttelschicht schonns ab 45.000 Euro Joresverdénsgscht méi ewéi 40% Steiere bezilt, soe mir: Entlaaschtung. Elo. Dir hutt et an der Hand!

All deenen, déi net d'accord sinn, datt zu Lëtzebuerg 18% - dorënner méi wéi 40% Elengerzéier - ënnert der Aarmutsgrenz liewen, soe mir: Méi sozial Ënnerstëtzung. Elo. Dir hutt et an der Hand!

All deenen, déi sech keng Wunneng méi leeschte kënnen, soe mir: Perimeter-Erweiderung ass keen Tabu. Manner héich TVA a manner héijen Enregistrement. Elo. Dir hutt et an der Hand!

All deenen, déi Problemer mat der Gesondheetsversuergung hunn, soe mir: Gesondheetssystem u Wuesstem upassen a Privat-Initiative zouloossen. Elo. Dir hutt et an der Hand!

All deenen, déi beim Klima- an Ëmweltschutz gär eng Hand mat upaken, soe mir: Klimaschutz ouni Willkür. Elo. Dir hutt et an der Hand!

All deenen, déi mat Zäit ukomme wëllen, soe mir: Noutwendeg Infrastrukturen. Elo. Dir hutt et an der Hand!

All deenen, déi fir eng staark ëffentlech Schoul sinn, soe mir: Schoulpolitik vum Mateneen a Reform vum Sproochenunterrecht. Elo. Dir hutt et an der Hand!

All deenen, fir déi d'Wuel vum Kand am Mëttelpunkt steet, soe mir: Qualitéitsofsécherung bei der Kannerbetreung. Fräie Choix fir d'Leit. Elo. Dir hutt et an der Hand!

All deenen, déi sécher a regional Liewensmëttel wëllen, soe mir: Eng nohalteg an innovativ Landwirtschaft, Gaarden- an Wäibau. Elo. Dir hutt et an der Hand!

Dir hutt et an der Hand! Enger Neioplo vu Blo-Rout-Gréng déi Rout Kaart ze weisen.

Fir eng aner Politik. Fir de Wiessel.

Mat der CSV. Mam Luc Frieden.

**MARTINE HANSEN A GILLES ROTH**  
Co-Présidente vun der CSV-Fraktioun







# **EESTÄMMEG** **FIR DE #LUC.**

Eise Spätzekandidat.





“

**WÉI GESÄIT ÄRE PERSÉINLECHE BILAN VUN DËSER LEGISLATURPERIOD AUS?**

E moderne Staat brauch eng gutt Fonction publique. Duerfir hu mir de Gehälteraccord matgedroen. Weider hu mir probéiert, eis fir ee verantwortlecht Asetze vun de Steiersuen anzesetzen. Mir hunn zum Beispill bei der Superdreckschëscht oder bei Luxeosys fir Opklärung gesuergt.

**WAT SINN ÄR SCHWÉIERPUNKTE FIR DÉI NÄCHST 5 JOER?**

Eng Prioritéit wäert ganz sécher méi een aktive Konsumenteschutz sinn. An dësen Zäite brauchen d'Verbraucher politesche Réckeward. E weidere Schwéierpunkt wäert d'Digitaliséierung ginn. Do sinn déi nächst Joren entscheidend. Grad wat e gerechten Zougang zum Digitalen ugeet.



Diane ADEHM

“



Paul GALLES

**WÉI GESÄIT ÄRE PERSÉINLECHE BILAN VUN DËSER LEGISLATURPERIOD AUS?**

Ech hu probéiert, fir den Aarmutsrisiko an d'Ongläichheeten an eiser Gesellschaft mat enger Interpellatioun ze thematiséieren. Weider war et den Engagement fir eng gerecht a staark Klimapolitik. An eng weider Interpellatioun iwwert d'Zukunftschancë vun de Jonken.

**WAT SINN ÄR SCHWÉIERPUNKTE FIR DÉI NÄCHST 5 JOER?**

Eng systematesch Strategie fir Aarmutsbekämpfung. Weider Prioritéite sinn: Nohaltegkeet am Gläichgewicht vu staarker Wirtschaft, gesondem Klima a fairer Sozialpolitik, eng Gemeinwohlökonomie fir Gesellschaft, Gemengen a Staat. An Ziilvirstellunge wéi null Aarmut, null CO<sub>2</sub>, null Exklusioun.

“

**WÉI GESÄIT ÄRE PERSÉINLECHE BILAN VUN DËSER LEGISLATURPERIOD AUS?**

Ernüchternd. Grad am Logement, deen ech zanter Joren fir d'CSV mat begleeten. Nieft Kritik u Blo, Rout a Gréng hu mir ëmmer och inhaltlech Propose gemaach. Blo, Rout a Gréng hu sech an enger Ideologie vu Verbuet an Dirigismus verrannt. Dat ass Gëft fir eis Sozial Maartwirtschaft.

**WAT SINN ÄR SCHWÉIERPUNKTE FIR DÉI NÄCHST 5 JOER?**

Mir musse vun dësem Dirigismus fort kommen. Dëst Land brauch konsequent Reformen. Grad bei de Prozeduren. Mir brauchen eng Vereinfachung vun den Démarchen am Beräich vun eiser Weiderentwécklung. Dat gëllt fir eis Infrastrukturen a besonnesch am Wunnengsbau.



Marc LIES

“

**WÉI GESÄIT ÄRE PERSÉINLECHE BILAN VUN DËSER LEGISLATURPERIOD AUS?**

Ech hunn elo d'Chance, zanter Oktober Deputéiert ze sinn. Ech hu mech zanterhier besonnesch engagéiert, fir d'Erausfuerunge vu jonke Leit unzegoen. Besonnesch de Logement steet hei un éischter Stell. E weidert Engagement ass ee verantwortlechen an ëmsetzbare Klimaschutz.

**WAT SINN ÄR SCHWÉIERPUNKTE FIR DÉI NÄCHST 5 JOER?**

Natierlech weider d'Uleies vun de jonke Leit. Et gëllt d'Logementskris endlech unzepaken an Éischtkeefer verstärkt ze ënnerstëtzen, besonnesch steierlech. Ma och d'Energietransitioun mussen mer mat massiven Investissementer hikréien.



Elisabeth MARGUE



Laurent MOSAR

“

**WÉI GESÄIT ÄRE PERSÉINLECHE BILAN VUN DËSER LEGISLATURPERIOD AUS?**

Zesumme mat der CSV-Fraktioun hunn ech vill Propose gemaach fir eis öffentlech Sécherheet an och fir eis kleng a méttel Betriber ze stäerken. Och d'Dateschutz-Problematik louch mir um Häerz. Ganz besonnesch um Niveau vun de Police-Fichieren.

**WAT SINN ÄR SCHWÉIERPUNKTE FIR DÉI NÄCHST 5 JOER?**

Fir mech ass méi Sécherheet am öffentleche Raum eng absolut Prioritéit. Donieft ass eng attraktiv Wirtschaft mat kompetitive klengen a méttleren Entreprises e weidere Schwéierpunkt. Well hei schaffen Dausende vun engagéierte Mataarbechter. Eis Finanzplaz wëlle mir doriwwer eraus zur Nummer 1 vun der Green Finance maachen. Weider Theme bleiwen den Engagement fir Rechtsstaatlechkeet an Dateschutz.

“

**WÉI GESÄIT ÄRE PERSÉINLECHE BILAN VUN DËSER LEGISLATURPERIOD AUS?**

Ech hu mech fir méi Wuelbefannen a Liewensqualitéit engagéiert. An onsen Dierfer a Stied a besonnesch fir ons Kanner. Dozou gehéiert een nach méi equilibréierte Mix un Infrastrukturen a Strukturen an onse Gemengen. An d'finanziell Ënnerstëtzung fir Dagesmammen an Elteren, déi hir Kanner doheem betreie wëllen.

**WAT SINN ÄR SCHWÉIERPUNKTE FIR DÉI NÄCHST 5 JOER?**

Ee bessert Wuelbefannen, eng besser Liewensqualitéit fir all ons Matbierger. An dozou gehéiert ëmmer méi och een neit Gläichgewicht an der Work-Life-Balance. Well wann et onse Matbierger gutt geet, da geet et onsem Land gutt. An net ëmgedréint.



Serge WILMES





### **WÉI GESÄIT ÄRE PERSÉINLECHE BILAN VUN DËSER LEGISLATURPERIOD AUS?**

Dës Legislaturperiod war ganz staark vun der Covid-Kris gepräagt. Mir hunn dobäi ëmmer nom beschtméigleche Gläichgewicht tëschent Fräiheet a Sécherheet gesicht. A Verantwortung a mat konkrete Proposen. Europa an Aussepolitik ware weider Sujete fir mech.

### **WAT SINN ÄR SCHWÉIERPUNKTE FIR DÉI NÄCHST 5 JOER?**

Virop eis Gesondheetspolitik. Mir brauchen hei e Gesondheetssystem mam Patient am Mëttelpunkt. A mat méi Privatinitiativ. Da muss Europa gestärkt ginn. Lëtzebuerg muss méi Verantwortung iwwerhuelen. An der Aussepolitik brauche mir eng Strategie mat Mehrwert fir Land a Leit.



Claude WISELER



Christophe HANSEN

### **WÉI GESÄIT ÄRE PERSÉINLECHE BILAN VUN DËSER LEGISLATURPERIOD AN EUROPA AUS?**

D'Drénkwaasser-Direktiv, de Post-Brexit-Accord an och d'Reform vun der Gemeinsamer Agrarpolitik hunn ech erfollegräich am Numm vum Parlament verhandelt. Mee och d'Ënnerstëtzung fir d'Ukrain, déi nohalteg Finanzen an d'Anti-Deforestatiouns-Gesetz sinn a bleiwe meng perséinlech Prioritéiten.

### **WAT SINN ÄR SCHWÉIERPUNKTE FIR DÉI NÄCHST 5 JOER?**

Eng veritabel Energie-Unioun an der EU, lassgeléist vu fossillen Energien aus Drëttlänner a baséierend op erneierbaren Energien a Waasserstoff. Weider Prioritéite sinn d'Liewensmittelsécherheet a Souveränitéit, d'Medikamente-Produktioun an Europa an d'Bäitrettspreparatiounen fir d'Ukrain a Moldawien an d'EU.



### **WÉI GESÄIT ÄRE PERSÉINLECHE BILAN VUN DËSER LEGISLATURPERIOD AN EUROPA AUS?**

Zesumme mat der EVP hunn ech Mënscherechter, Demokratie an de Rechtsstaat verdeedegt. An der EU an iwwerall op der Welt. Och Gendergläichheet an LGBTIQ-Freedomzone. Säit 1 Joer am Zentrum: Mir stinn ouni Zweifel der Ukrain zur Säit, mat alle Mëttelen, esou laang ewéi néideg. Et geet ëm d'Fräiheet vun eis all.

### **WAT SINN ÄR SCHWÉIERPUNKTE FIR DÉI NÄCHST 5 JOER?**

Mir wëllen: méi intensiv Verbonnenheet mat den Demokratien op der Welt; aktiv Demokraten a Mënscherechter ënnerstëtzen; méi EU-Autonomie fir dat Weesentlechste: Alimentatioun, Medezin, Energie an och Connectivitéit; eng seriö EU-Verdeedegung opbauen; méi EU-Zesummewuessen.



Isabel WISELER-LIMA

**SCHAFFE MUSS  
SECH LOUNEN.**

**STEIERLECH  
ENTLAASCHTUNG!**

**ELO!**



# EIS PROPOSEN AUS DE LESCHTE 5 JOER.

## STEIERLECH ENTLAASCHTUNG: MÉI NETTO VUM BRUTTO.

- 
- > Inflationunsberengung vun der Steiertabell
  - > Steiergangsbetrag op 15.000 Euro eropsetzen (30.000 Euro fir Steuerklass 1A)
  - > Verbreedere vun de Steiertranchen
  - > Zousätzlech Steiertranche fir Spëtzeverdénge (vu 500.000 Euro Joresakomme un)

## LOGEMENT: ENG WUNNENG FIR JIDDEREEN.

- 
- > Méi bauen: Bauperimeter erweideren
  - > Méi séier bauen: manner Bürokratie an Oplagen
  - > Méi bëlleg bauen: „Bëllegen Akt“ op 50.000 Euro a Fräibetrag TVA Logement op 100.000 Euro eropsetzen
  - > Bezuelbar Suë léinen: Steierplaffong fir Scholdzënse um Eegenheim verduebeln
  - > Soziale Wunnengsbau: privat Bauträger mat an d'Boot

## WIRTSCHAFT A SOZIALES: LËTZEBUERG MUSS ATTRAKTIV BLEIWEN.

- 
- > Talenter méi geziilt unzéien
  - > Steierlech Ureizer fir nohalteg Investissementer
  - > Independante besser ofsécheren





## **MOBILITÉIT: ENG GLÄICHWÄERTEG OFFER IWWERALL.**

- > Öffentlechen Transport am ländleche Raum ausbauen
- > Stroossennetz op wichtige Plazen ausbauen
- > Weider P&R-Parkingge bauen
- > Lued- a Waasserstoff-Infrastrukturen ausbauen



## **ËMWELTPOLITIK: MAT DE LEIT.**

- > Prozedure vereinfachen
- > Méi Fuerschung an Innovatioun
- > Naturschutzgesetz upasse mat manner Willkür
- > Eegenheem-Sanéierung méi staark ënnerstëtzen



## **SÉCHERHEET: MÉI MËTTELE FIR D'POLICE.**

- > Méi Polizisten um Terrain (och an der Gemeng)
- > Vollwäerteg „Platzverweis“
- > Méi Videoiwwerwaachung op kriddelege Plazen
- > Bodycam an Taser fir all Polizist am Asaz



## **GESONDHEET: DE PATIENT AM MËTTELPUNKT.**

- > Vergläichbar medezinesch Offer landeswäit
- > Méi ambulant Medezin a méi Teleconsultatiounen
- > IRM an aner Equipementer och a private Praxissen
- > Digitaliséierung am Santés-Beräich virundreiwen



## **BILDUNG: FIR ENG CHANCEGERECHT ËFFENTLECH SCHOUL.**

- > Staark öffentlech Schoulen amplaz Parallel-Welten
- > Sproochenunterricht reforméieren an d'Offer flexibiliséieren
- > Qualitéit vun de Strukture fir Kannerbetreuung ofsécheren
- > Eng richtig Hausaufgabenhëllef an de Maisons relais
- > Ënnerstëtzung fir Elteren, déi hir Kanner selwer betreien



## **LANDWIRTSCHAFT A WÄIBAU: NOHALTEG AN AM DIALOG.**

- > Liewensmittelsécherheet als EU-Hauptzil
- > Keng ideologesch Produktiounsbrems
- > Innovatioun an Alternative besser ënnerstëtzen



## **EIS PRIORITÉITE FIR DEN ZENTRUM**


- Verkéiersberouegung fir den Uelzechtdall
- Contournement Hesper bauen
- Méi Sécherheet an de Ballungsgebidd
- Besser Vernetzung vu Bus, Bunn an Tram
- Verbesserung vum öffentlechen Transport tëschent den Uertschaften



# 5 JOER CSV-FRAKTION









# ÄR CSV-DEPUTÉIERT. FIR ENG ANER POLITIK.



## IMPRESSUM

CSV Fraktioun, 13, rue du Rost, L-2447 Luxembourg | [www.csv.lu](http://www.csv.lu) | [csv@chd.lu](mailto:csv@chd.lu)  
CSV Generalsekretariat, 4, Rue de l'Eau, L-1449 Luxembourg  
Groupe PPE, 60, Rue Wiertz, B-1047 Bruxelles

Traduction



Tradução



Übersetzung



Tradução



RE

PRINTED IN  
LUXEMBOURG

Le papier ayant servi à l'impression de cette brochure n'a pas été blanchi au chlore (Circle Silk 100% recyclé).